

# საქართველოს მთავრობის

## დადგენილება №101

2015 წლის 9 მარტი

ქ. თბილისი

### „საქართველოში ეროვნული სივრცითი მონაცემების ინფრასტრუქტურის შექმნისა და განვითარების სამთავრობო კომისიის შექმნის შესახებ“ საქართველოს მთავრობის 2013 წლის 9 ოქტომბრის №262 დადგენილებაში ცვლილების შეტანის თაობაზე

#### მუხლი 1

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის შესაბამისად, „საქართველოში ეროვნული სივრცითი მონაცემების ინფრასტრუქტურის შექმნისა და განვითარების სამთავრობო კომისიის შექმნის შესახებ“ საქართველოს მთავრობის 2013 წლის 9 ოქტომბრის №262 დადგენილებაში ([www.matsne.gov.ge](http://www.matsne.gov.ge), 10/10/2013, 010220020.10.003.017429) შეტანილ იქნეს შემდეგი ცვლილება:

1. პირველი მუხლი ჩამოყალიბდეს შემდეგი რედაქციით:

#### „მუხლი 1

„საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის მე-5, მე-6 და 29-ე მუხლების შესაბამისად, ეროვნული სივრცითი მონაცემების ინფრასტრუქტურის შექმნის და განვითარების, სივრცითი მონაცემების და მეტამონაცემების ეროვნული სტანდარტების ჩამოყალიბების, ქვეყნის ერთიანი გეოინფორმაციული პოლიტიკის სტრატეგიული მიზნების, ამოცანების და პრიორიტეტების განსაზღვრის მიზნით, შეიქმნას საქართველოში ეროვნული სივრცითი მონაცემების ინფრასტრუქტურის შექმნისა და განვითარების სამთავრობო კომისია შემდეგი შემადგენლობით:

**მიხეილ სარჯველაძე** - საქართველოს იუსტიციის მინისტრის მოადგილე, კომისიის თავმჯდომარე;

**თეიმურაზ მურდულია** - საქართველოს გარემოსა და ბუნებრივი რესურსების დაცვის მინისტრის პირველი მოადგილე, კომისიის თანათავმჯდომარე;

**გოჩა რატიანი** - საქართველოს თავდაცვის მინისტრის პირველი მოადგილე;

**თენგიზ შერგელაშვილი** - საქართველოს რეგიონული განვითარებისა და ინფრასტრუქტურის მინისტრის მოადგილე;

**ქეთევან ნატრიაშვილი** - საქართველოს განათლებისა და მეცნიერების მინისტრის პირველი მოადგილე;

**დავით ჯალაღანია** - საქართველოს საგარეო საქმეთა მინისტრის მოადგილე;

**ზაალ სარაჯიშვილი** - დიასპორის საკითხებში საქართველოს სახელმწიფო მინისტრის პირველი მოადგილე;

**ქეთევან ციხელაშვილი** - შერიგებისა და სამოქალაქო თანასწორობის საკითხებში საქართველოს სახელმწიფო მინისტრის პირველი მოადგილე;

**ვალერი კვარაცხელია** - საქართველოს შრომის, ჯანმრთელობისა და სოციალური დაცვის მინისტრის მოადგილე;

**დავით გალუგაშვილი** - საქართველოს სოფლის მეურნეობის მინისტრის მოადგილე;



**მიხეილ ჯანელიძე** - საქართველოს ეკონომიკისა და მდგრადი განვითარების მინისტრის მოადგილე;

**ბესიკ დევდარიანი** - საქართველოს სასაგარეო ურთიერთობებისა და პრობაციის მინისტრის მოადგილე;

**ლაშა ხუციშვილი** - საქართველოს ფინანსთა მინისტრის მოადგილე;

**აკაკი ლოდია** - საქართველოს სპორტისა და ახალგაზრდობის საქმეთა მინისტრის მოადგილე;

**ირაკლი ხმაღაძე** - საქართველოს ენერჯეტიკის მინისტრის მოადგილე;

**მანანა ბერიკაშვილი** - საქართველოს კულტურისა და ძეგლთა დაცვის მინისტრის მოადგილე;

**მარიამ რაქვიაშვილი** - ევროპულ და ევროატლანტიკურ სტრუქტურებში ინტეგრაციის საკითხებში საქართველოს სახელმწიფო მინისტრის მოადგილე;

**ლევან იზორია** - საქართველოს შინაგან საქმეთა მინისტრის მოადგილე;

**გრიგოლ გიორგაძე** - საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრის პირველი მოადგილე;

**შალვა თაღუმაძე** - საქართველოს მთავრობის საპარლამენტო მდივანი;

**ნინო ხატისკაცი** - ქ. თბილისის მუნიციპალიტეტის მერის მოადგილე.“.

2. მე-4 მუხლი ჩამოყალიბდეს შემდეგი რედაქციით:

#### „მუხლი 4

1. დაევალოს სსიპ – საჯარო რეესტრის ეროვნულ სააგენტოს, უზრუნველყოს ეროვნული სივრცითი მონაცემების ინფრასტრუქტურის შექმნის, ექსპლუატაციასა და განვითარებასთან დაკავშირებული საქმიანობის კოორდინაცია.

2. დაევალოს სამთავრობო კომისიაში წარმოდგენილ სამინისტროებსა და სახელმწიფო მინისტრის აპარატებს:

ა) შესაბამისი სამინისტროების, მათი მმართველობის სფეროში შემავალი საჯარო სამართლის იურიდიული პირებისა და საქვეუწყებო დაწესებულებების, აგრეთვე სახელმწიფო მინისტრის აპარატის წარმომადგენლების მონაწილეობით სამუშაო ჯგუფების შექმნა, რომლებიც კომპეტენციის ფარგლებში, ჩართული იქნებიან ეროვნული სივრცითი მონაცემების ინფრასტრუქტურის შექმნისა და განვითარების პროცესში და უშუალოდ მიიღებენ მონაწილეობას სამთავრობო კომისიის მიერ შექმნილი თემატური სამუშაო ჯგუფების საქმიანობაში;

ბ) ამ პუნქტის „ა“ ქვეპუნქტით გათვალისწინებული სამუშაო ჯგუფების საქმიანობის ეფექტურად წარმართვის მიზნით, მათი საქმიანობის სამართლებრივი, ორგანიზაციული, მატერიალურ-ტექნიკური და ინფორმაციული მხარდაჭერა.

3. ეთხოვოს ქ. თბილისის მუნიციპალიტეტის მერიას ამ მუხლის მე-2 პუნქტით გათვალისწინებული ღონისძიებების განხორციელება.“.

#### მუხლი 2

დადგენილება ამოქმედდეს გამოქვეყნებისთანავე.

პრემიერ-მინისტრი

ირაკლი ღარიბაშვილი

